



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五九五

養和堂遺集八卷首一卷 陳光亨撰

一

晚香亭詩鈔四卷 蔡邦甸撰

一一五

卅兮筆記二卷 管庭芬撰

二〇五

蕭然自得齋詩集八卷碧琅玕館詩餘一卷蕭然自得齋隨筆一卷 徐漢蒼撰

二三九

養志居僅存稿十八卷首一卷 陳宗起撰

三六九

梅氏遺書四卷（詩集一卷文略一卷家書二卷）附錄三卷 梅鍾澍撰

五九五

養齋堂

續集

光緒癸巳中秋
物于廣西省城

序

光緒癸巳冬馮君達夫為其師陳秋田給
諫彙稟遺集既成持以見眎屬弁其端自
維簿書填委學殖久荒奚足以語文事竊
聞古之所謂三不朽者首立德次立功其
次立言士大夫苟蓄懿德建豐功性命修
於身恩施及於物稱名之偉炳焉如日月

一

經天雖無言可也其立言者必有為而非
得已明道以教人也記事以垂世也歌詠
謳吟以陶情而淑性也非是者無苟作故
其言可信今傳後而無疑然而兼之者實
難余觀何公筱宋所撰給諫行狀源其生
平以名翰林歷官清要性慈直聞民間疾
苦必思拯救之巡城時不妄繫一人不輕

傳婦女不多送刑部甫閱歲清理五百餘
案居家以孝友稱尤篤於故舊推解無少
吝紛難得片言立釋里中父老每謂興國
自來巍科顯仕代有其人求如給諫公正
廉明者未嘗有也若是者可謂立德道光
戊申己酉楚北連年水患給諫縷陳興國
災况請於大府撥帑散賑全活甚衆咸豐

二

壬子冬髮匪陷鄂奉

命幫辦團防首集州人効力創議捐米運赴羅忠

節公軍營賴以破賊旋入曾文正公幕往
來青山吳城間權領水軍機謀悉協鄂撫
胡文忠公咨請回楚總辦團捐自是官軍
過境靡屨資糧皆由籌給其尤著者滌陳
興國徵漕規費請裁減紓民困當道如其

綸音

議以行厥後胡公疏裁鄂省錢漕百年積
弊一旦廓清實啟於此人爭頌之若是者
可謂立功以德若彼以功若此修於己而
施於民豈藉區區文字之末以傳哉顧即
以文字觀亦非苟於立言者當其直諫垣
時封章屢上規畫閱遠胥關軍國至計迭
奉

三

頒為令甲其他擘牘裁箋駢妍抽秘或以
明道或以記事或發為歌詠謳吟類皆瞻
於義豐於詞理勝而不偏情深而不宕言
為心聲足以覘所蘊蓄而非與夫舍本逐
末勞精疲神以自命文士者爭一日之長
蓋合德功以為言洵不朽盛業也然則給
諫言論丰采不得而親炙之流風餘韻猶

得而景仰之宿草將列青簡尚新太史公
 所謂藏之名山傳之其人庶幾當之而無
 媿矣馮君夙承指授學有淵源瞻念師門
 欽欽在抱雖以鴻裁鉅製劫火銷磨猶能
 鈎沈蒐佚勾為一編俾片羽吉光因茲而
 不墜相得益彰其風誼亦足多已余雖不
 敏幸濡筆而書之

四

光緒十有九年仲冬中澣撫粵使者江都
 張聯桂拜序

養和堂遺集目錄

第一卷

奏疏九首

第二卷

奏疏十三首

第三卷

書牘九首

第四卷

序十六首 書後一首 跋四首 考一首

養和堂遺集

目錄

第五卷

贈序一首 壽序十首

第六卷

傳九首 紀事一首

第七卷

墓志銘十一首 墓表四首

第八卷

記四首 贊二首 賦五首 詩十九首

諸授中憲大夫四品卿銜戶科掌印給事中翰林院編修

陳秋門先生行狀

受業何璟纂

先生陳姓諱光亨字衡書別字秋門湖北武昌府興國州治南興教里漆家坊人始祖唐義門伯宣公十五世至宋思洪公遷居永興果石莊生子四第四子宥公遷肇陳又十四世至明永昭公遷居漆坊陳家灣十世至先生高祖坤上公曾祖商民公以先生貴

贈安人祖敬亭公貢生生先生父曉泉公兄弟三曉泉公

養和堂遺集

卷首 行狀

居次國學生均有隱德以先生官

贈中憲大夫祖母氏黃母氏吳均

封恭人曉泉公生子五先生居長先生幼穎慧敬亭公甚

愛之而課讀嚴嚴十三十五歲時應童試連受州侯

石公椿齡公知府試郡守吳公拔置第一成諸生督

學爲鮑覺生先生一見卜大器由廩生舉道光二年

壬午科鄉試丙戌成進士改庶吉士已丑散館

宣宗硃書庶吉士陳某着仍留館教習旋修書

武英殿王辰授編修先後館座師湯文端公及大司寇

史公致儼家素以風節自勵二公深器之先生性敏好學經史掣究甚精尤工制藝詞賦在詞垣文名藉甚然先生立志務實用雅不欲以文章自見十七年擢御史明年補山東道監察御史

召見奏對稱

旨時曉泉公信示先生曰科道爲

朝廷耳目之官昔人有恨不得爲御史者今既爲之敢

緘默以竊祿哉惟言必期有用或者藉逞私懷自難

逃於公論卽毛舉細故豈有當於言官耶先生謹受

養和堂遺集

卷首 行狀

教於是首論運河挑工有名無實應認真辦理得

旨將原摺鈔給河督及山東巡撫閱看十九年請禁臣僚拜

認師生奉

硃批所言甚是旋

通諭飭禁請定州縣調繁年限下吏部議改掌貴州道請

飭大小臣工嚴慎關防五月開京師亢曠請禁獄卒番役凌

虐惡習以廣

皇仁均奉

通諭附片奏請清理免罪監犯以迓天和請酌議新定嚴禁

鴉片煙章程

硃批原議大學士等查覈覆議具奏請

飭繙譯童生認真學習又請將捐賑紳民從優議敘又片請

禁勒捐罰捐均下部議是年監試順天鄉試巡視西

城二十年奏陳舉人在漢口經理鹽務有乖政體并

陳武舉報効他省不准濫收奏陳直隸山西境有官

役拏車滋擾等弊奏五城關涉旗員事件應令赴城

聽問均奉

諭旨旋協理京畿道奏楚督信任知縣某創造非刑奉

養和堂遺集 卷前 行狀

旨查辦督臣獲譴又奏四川知縣某某貪酷殃民奉

旨着該督覆奏是年京察一等二十一年陞戶科給事中奏

陳失事地方知府獎勵不應過優因案盤獲在逃太

監請交內務府查辦又片奏太監逃走地方官應嚴

爲緝拿均奉

諭旨嘆夷擾福建

上命晉撫楊公國楨總督閩浙卽起新任先生奏陳該督精

力衰頽請

飭來京察看奉

前旨後督臣遂引退巡視北城充考繙譯中書監試官奏湖
北應修堤垸奸民書役勾串擾民奉

旨飭督撫嚴禁二十二年九月卸城差先生性直而心慈聞

民閒疾苦必思拯救遇人訴冤若非申理之不安巡

城時不妄押不積案不輕傳婦女不多送刑部一年

之內計結五百有餘案二十三年復巡視西城署禮

科給事中轉戶科掌印先是給諫蔡公家珩放衡永

道

上謂奕相國云科道中如蔡家珩陳光亨許汝恪朕本意留

養和堂遺集 卷首 行狀

他在內面說話但有外缺亦不能不放耳人皆謂先

生簡在

帝心然屢考試差未得大考二等未用京察兩列一等均未

記名先生自知數奇又監順天鄉試繙譯試闈中遇

事持正不阿要人屢招嫉忌念兩親年高弟春谷會

試來京病重思歸遂決意告養於二十五年春與弟

偕行回里人謂還轉在卽先生亦不顧也歸里後值

戊申己酉連年楚北大水爲災

朝廷發帑賑卹先生將興國被災情狀縷陳當事復赴

省領四萬五千金在漢口買錢米運回州城與在縣
陝西知縣李君惺夫立局城隍廟懸一聯於柱云半
點徇情難逃神鑑分文入己自有冥誅按查明飢民
冊散給全活者甚衆 文廟被水冲塌集資重修自
是遇水無壞咸豐二年十二月粵匪陷鄂盤踞下流
三年先生奉

上諭幫辦團防時飢荒之餘人心思亂防禦之策無再措手

明年楚督楊公需具奏與國民情尤爲反覆可虞請
責成在籍給事中陳某妥爲約束先生知楊公有意

養和堂遺集

卷首 行狀

五

督過而事可轉旋自當効力因集州紳先辦捐項及
羅忠節公澤南破賊半壁山軍無見糧先生創議捐
米每日運八十石迄破田鎮而止忠節公深以爲感
而州境土匪紛起欲夜襲州城先生命大燒望火並
督練勇放礮鳴鑼匪知有備潛遁亡何楚督楊公兵
潰黃梅賊悉上竄五年州城復陷時先生丁父憂賊
拮索先生既盾封公匱遂避地江西時曾文正公辦
江西軍務招先生入幕府參機謀咨請稽查營務往
來青山吳城開權領水軍調度悉協曾公擬入奏先

養和堂遺集

卷首 行狀

六

生以母老辭是時興國爲逆匪往來要路莠民附和
風聲甚惡當路每有裹勦之令自賊逃歸者聞之紛
紛復從逆先生謂莠民遠颺懦民代之受戮非罰之
平且誅殛太嚴雖用重典然適堅其從逆之心亦於
兵機有礙因致書各路統帥力請別白復遣從人歸
與紳士議捐貲解助軍餉以時探報賊情諸統帥皆
喜鄂撫文忠胡公蠟書請先生回楚先生遂辭曾公
於七年正月回里三月服闋公咨請總辦團捐事務
六月賊陷蘄州先生請周署牧瑞移營防江又派團
勇查河自是賊無偷渡者臘月武昌府嚴太守有示
撤團而臨江潰匪竄州城幸先生前數日致書九江
大營李忠武公續賓請兵迎勦旋派候補副將周寬
世候選知縣蕭積仰引兵抵州與向署牧先薰率勇
兜勦適胡公亦派李巢兩軍同到先生飭各團搜擒
餘匪盡誅之自是官軍過境資糧供應皆由先生籌
給九年楚督官公奏派先生與彭京卿久餘辦理省
城工程胡公又咨請辦省城門釐十月官胡兩公同
奏給事中陳某廉正自矢信義相孚故能使閭里志

切同仇急公好義應請優敘奉

旨賞加四品卿銜

十年四月丁母憂十一年賊大股由江西

竄楚州城復陷適胡公自太湖上援舟泊富池先生

往請派礮船進州以斷賊匪下鄉擄掠之路驅逐米

船民船出江賊無所得食仍竄江西是年秋胡文忠

公薨先生往弔痛哭自是歸家讀禮卸肩公務同治

元年鄂撫嚴公因州紳赴省呈懇請先生出山於是

復咨接辦捐輸牙釐以慰衆望自先生告養家居辦

理興國賑款團練牙釐接征捐輸等事幾二十年從

養和堂遺集

卷首

行狀

七

未領受薪水一分半文所集資費以數十萬金計其

中或勸捐或畝捐州共十六團每團一萬二千戶合

計不下二十餘萬戶從無出一怨言而勤勞鞅掌保

全甚鉅外如文武官解試院暨 祀典諸祠廟被賊

燬者莫不興修逾於舊觀名號亦必考證精詳不沿

陋俗其尤爲人歌頌者莫如裁減錢漕一事先是鄂

屬徵收錢漕上下規費日積日深先生將興錢漕

中飽積弊臚陳胡公以謂是時檄辦團練又開捐輸

又徵正供民力實屬不支請裁減以紓民困胡公即

交司道議行其後胡公疏陳裁減鄂省錢漕積弊實

敢於此州民甚德先生至編爲歌曲以頌之乙丑值

先生壽七十州人士稱觴書院張壽屏紀功德衣冠

競集連錦幃數百幅廊舍至不能容丁卯以州屬齊

匪藉教滋事先生在城招勇防堵州人遂謀立陳公

書院於州城以爲先生燕居講貫之所集費至二萬

餘金先生聞之力辭乃罷興國耆宿每謂自有宋至

國朝州中先輩之掇巍科躋顯仕者均有可考求其公

正廉慈直聲之隆鄉譽之盛蓋未嘗有也又家居十

養和堂遺集

卷首

行狀

八

一年同治十年重遊泮官以光緒三年丁丑七月初

一日卒年八十一先生廣額豐頤長身玉立生有至

性事大父母母唯謹赴州城辦團曉泉公卒於家先

生自以告養之員不得面訣引爲終天之恨友于諸

弟視姪如子姪女如女創修宗祠續修族譜事無不

舉家雖不豐性好施予尤篤於故舊恤患濟貧不少

吝爲人排難解紛事無不決丙寅鮑軍門起自廣東

江西凱旋所領馬隊過州營官某以午節犒賞無出

弁勇譁然幾於致變向州牧王君臣弼索借千五百

金不能應爭論至於揮拳先生趨救力任其事爭立解然先生實無銀可墊也旋屬局紳招集城中錢店三十家來曰明日節期軍營無餉將爲變奈何汝等可各貸我五十金乎皆應曰諾卽如數付之營官得安然赴鄂領餉後皆償還如數州人有久遷皖省之英山者縣人不令入籍因來鄂應試獲售者二人繼來者衆州人士慮其冒替也控於郡阻之郡頗右英生明年復來應州試士子大譁聚數百人將羣毆之幾釀巨案先生扶杖出詣諸論議考生始定已乃移

養和堂遺集

卷首 行狀

九

本州請詳上司移兩生歸入英籍禁其騎考訟頓息有傳天主教者曰高培元來城求見言語悖逆先生怒斥之出州人亦憤極爭擊之高逸去赴鄂控訴事聞鐫先生一級州牧王君亦以失察被薄譴然興國城中自是無敢來設教堂者矣其勇決類如此先生既以文名從遊者衆先生教人爲文一宗先正居恒循循誘掖不少倦改削文藝理析微茫雖素性兀傲靡不帖服以故經指授者往往知名最著如吏部尙書毛文達公工部尙書賀公壽慈閣學景公其濬通政司

副使湯公修大理寺少卿王公家璧皆是也興國州志失修者百餘年先生取舊志詳加參考詎者正之闕者補之冗者刪之此次紀載筆削謹嚴未成書而沒士論惜之元配余恭人廣東參將諱克鈞公女二十三歲歸先生踰年生一女以字名儒國子監學正漢陽劉君傳堂四年而女卒恭人五十七歲亦卒繼配王恭人蓮室鞠氏俱無出以四弟子助爲嗣早卒繼嗣以仲弟子皖皖州庠生孫倫坡倫坤曾孫鴻欽鴻鐸先生卒年之冬州人士擬請入祀鄉賢格於例

養和堂遺集

卷首 行狀

十

未果璟自京師受業先生稍精制藝忝竊科第數歷仕途木本水源無時或忘猶憶開藩皖鄂之日與先生書牘往還起居具悉自閩浙罷歸而先生歸道山者已六年矣木壞山頽心喪曷已又四年丁亥先生同州門人馮直牧德材來見以手輯先生養和堂遺文八卷制藝八十首見示並云先生撰著頗富稿本存箱篋中癸丑爲粵匪覬掠去此乃隨處蒐輯而得者又彙先生事實囑作序傳悲喜之餘自愧文筆不足以傳先生而又義不容辭也於是序次其事蹟

以待當世大手筆爲之表揚焉則亦報答之微忱也
夫謹狀

養和堂遺集

卷首 行狀

十一

養和堂遺集卷一 奏疏

興國陳光亨秋門著

門人馮德材編彙

運河挑工請 飭認真辦理疏

奏爲運河挑工有名無實請

飭認真辦理以利漕運而經久遠仰祈

聖鑒事竊 臣近閱邸抄見漕 臣周

奏籌利運事宜

內有開河宜挑淺工之語 臣查山東運河每冬係沿

河州縣衛經領銀兩按段分挑向例一年小挑一年

大挑小挑准銷銀二千八百餘兩大挑准銷銀一萬

養和堂遺集

卷一 奏疏

一

七千餘兩合二年計之不出二萬兩之數至乾隆五

十三年欽奉

諭旨嗣後不必拘定大小之例惟責河東總河山東巡撫

巡漕御史每年回空將次完竣時確加履勘據實奏

聞亦不必拘定銀數 臣伏讀

聖訓係視河淤之有無厚薄分別估計非漫無限制也後

來逐漸加增每年已至四萬兩以外果使工歸實用

何難一律深通乃承挑之員往往少募人夫任其草

率蓋既不能責一夫爲兩夫之事勢不免以一日抵

兩日之工故河淤雖深挑挖實淺而挑出之淤又或積淤堤內斜坡或堆於堤頂之上。一經雨水冲刷仍復返爲河淤。此欲運道深通其可得乎。本年據自運河來者僉云船入東境水勢俱微其最著者彭口閘下之郗山淺處計七八里十字河以上之西灣柳園頭淺處計十餘里夏鎮至珠梅閘淺處計三十餘里棗林閘上下淺處或三四里或五六里此淺之在於分水口以南者也。又開河鎮袁口蘄口等閘淺處計五十餘里李海務通濟永通等閘淺處計四十餘里

養和堂遺集

卷一 奏疏

二

梁鄉土橋魏家灣戴家灣等閘淺處計六十里此淺之在於分水口以北者也。夫河道貴於一律深通一段有淺則深處有阻況淺至十餘處之多數十里之遙此欲糧艘通行其可得乎且聞該省承挑之員因本年雨澤愆期指謂無水可放不知挑挖不力則河身淤高雖雨水充裕之時承受已屬無幾值雨澤稀少之際淺澀更不待言且雨澤稀少來歲未必仍然河道淤高將來更難爲力倘謂湖水不敷宣放遂謂挑挖不必深通竊恐推諉之意流爲因循因循之弊

遂成廢弛甚非所以利漕運而經久遠也臣請

皇上

責成該省河

臣撫

臣督率運河道廳認真辦理各關

之河面應寬若干各閘之底水應深若干每屆驗工之時概以定制爲準其最要者挑出沙泥不准存積卽或尅期歲事必須陸續遠盤亦或藉工培隄繙須挑出隄外而且支發銀兩禁丁胥折扣之弊查勘工程禁僕從需索之弊則不與承挑者以得所藉口益可責成承挑者以實力辦公倘仍草率如前以致漕運遲悞卽行指名參處並不准其開銷如此則責有

養和堂遺集

卷一 奏疏

三

皇上聖鑒謹

奏

道光十八年十二月十二日奉

上諭御史陳光亨奏運河淤淺船行輒多阻滯分水口以

南如彭口開下之郗山淺處計七八里十字河以上之西灣柳園頭淺處計十餘里夏鎮至珠梅開淺處計卅餘里棗林開上下淺處或三四里或五六里分水口以北如開河鎮袁口斬口等開淺處計五十餘里李海務通濟永通等開淺處計四十餘里梁鄉土橋魏家灣戴家灣等開淺處計六十里皆由該處承挑各員有名無實所致等語本年回空漕船業經過竣來年重運尙未經臨沿河積淤地方自應趕緊一律疏通不遺餘力若如所奏山東一帶淺至十餘處之多數十之達一段

養和堂遺集

卷一 奏疏

四

有淺則深處並阻又安望其連檣暢行耶著栗毓美經額布督率運河道廳認真辦理並嚴禁支發折扣查勘需索等弊庶承挑各員得以專力辦公不敢有所藉口倘仍挑挖不力遲悞漕運卽著指名嚴參毋稍徇隱務使工歸實用以節糜費而速漕行原摺著鈔給閱看將此諭令知之欽此

請禁臣僚競認師生疏

奏爲內外臣僚競認師生請

旨飭禁以肅官方仰祈

聖鑒事竊惟人臣之義公而無私門生之稱例有明禁故雖鄉會試憑文取中之士謁見考官亦祇用光名帖乃近來內外臣僚於考官之外更有認爲師生者一爲閱卷之師生一爲保舉之師生一爲拜結之師生三者迹雖不同而其意則同歸於私臣愚謂不可不禁何爲閱卷之師生

養和堂遺集

卷一 奏疏

五

國家設科取士每屆會試後有

殿試有

朝考此大臣公閱恭候

欽定者也乃近來名列二甲者一經館選卽與讀卷官認

師生

朝考入選者一經館選卽與閱卷官認師生是以

殿廷考試之典爲仕路趨附之階也臣伏見嘉慶九年

欽賜翰林院二額曰勵品曰儲才竊思儲才者非以奔競爲能勵品者當於始進之日今當策名伊始卽以干

進爲懷從此踐歷仕途安望廉隅自飭乎若是者當禁何爲保舉之師生

國家三載考績內爲京察外爲大計此激濁揚清之大典也乃近來京察一等者卽與堂官認師生大計卓異者卽與上司認師生臣恩保舉雖出於上官簡拔實由於

皇上若身受簡拔之

恩而心感保舉之力則其報效上官也必殷於報效

朝廷亦何賴有若臣爲哉若是者當禁何爲拜結之師

養和堂遺集

卷一

奏疏

六

生

國家設官分職有統有屬此其名分爲至嚴也乃近來外省風氣州縣輒與府道認師生府道輒與督撫認師生非有平素之淵源第以勢利爲結納臣思大僚庶品皆日命官今爲

朝廷之命官更拜上司之門下此其品已可概知又況特門生之情面而專事請托假上司之聲勢而相率招搖則其弊更不可問若是者當禁抑臣更有請者大臣者小臣之表也小臣每樂爲夤緣大臣當嚴爲

拒絕今使閱卷之大臣有嚴氣正性之風則私調無由而進矣考績之大臣懷薦賢爲國之義則私恩自在所輕矣封疆之大臣裕正己率屬之方則私類咸知所警矣由是中外肅清官方澄敘其於

皇上大公無私之治贊助豈淺鮮哉臣愚昧之見是否有當伏乞

聖鑒謹

奏

道光十九年二月

日奉

養和堂遺集

卷一

奏疏

七

上諭御史陳光亨奏請飭內外臣僚競認師生一摺所言甚是鄉會試考官憑文取士中式者感其識拔誼等師生尙屬禮緣義起然在官言官在朝言朝斷不可以私廢公至新進士殿試朝考一經館選卽與閱卷官認師生已屬非是若京察一等大計卓異者概與堂官上司認師生是身荷簡擢之恩心感保舉之力受爵公朝拜恩私室甚非國家考績求賢之義至近來外省風氣州縣輒與司道認師生府道輒與督撫認師生是以勢利爲結納拜門下品行止不端難保不恃門生之情面專

事請託假上司之聲勢相率招搖種種夤緣皆由此起又安望其持正秉公各盡職守嗣後內外臣工總當分勵品節不准藉師生稱謂以爲攀援上進之階至部院大臣及各省督撫等尤當正己率屬以人事君遇有藉端干謁者卽行面爲屏斥概不准因遞詞卑禮稍事姑容庶屬吏共知敦品用以杜奔競而肅官方將此通諭知之欽此

請定州縣調繁年限疏

奏爲直省州縣調繁請

旨申定年限以杜弊端清吏治仰祈

聖鑒事竊查定例各省州縣官必歷俸三年以上方准揀選題調如年限未滿不得以人地相需爲詞題請調補意至深也而例又云其有員缺緊要人地實在相需而所保之員與例稍有未符亦必須詳細聲明專摺具奏請

旨交部核覆臣細繹此條所謂稍有未符者計其所差年

限不至旬日之間耳乃近來直省奏調人員或歷俸未滿一年或本任尙未實授此乃與例大不相符不得謂之稍有未符卽使員缺緊要已屬有違定制而況未必真係緊要哉且州縣人員大省不下百餘小省亦有數十豈無材堪治劇而又年與例符者況例載如無合例堪調之員准以候補人員題補如候補無人准於應升人員內揀選題升是調缺之例其途甚寬今必擇一與例未符之員而曰惟某相宜何耶雖其中有奉

旨不准者有經部議更正者但例既有通融之條則人

皆懷嘗試之意故其未調也屬員每不免於鑽營及

其奏請也部胥又爲之撞騙臣愚謂與其稍爲假借

以滋弊端不若嚴爲期限以昭定制請嗣後應調之

缺除苗疆海疆必得熟悉情形之員兩廣地方必得

能耐煙瘴之員果係人地相需無庸拘定年限外其

調缺概須歷俸三年卽或稍有未符亦必扣至具題

到部之日計算正滿三年方准調補如有蒙混奏請

者卽將督撫議處如此庶人以奉公爲心久任自著

養和堂遺集 卷一 奏疏

十

成效官無擇缺之弊吏治益見肅清矣臣愚昧之見

是否有當伏乞

皇上聖鑒謹

奏

道光十九年二月十九日

硃批吏部議奏欽此

請嚴慎關防疏

奏爲敬陳管見以慎關防仰祈

聖鑒事竊臣近閱邸抄見

欽差大臣湯金釗等查明江甯布政使唐鑑於伊弟唐鑑

前來江省任令署外居住請交部議處奉

上諭唐鑑卽唐紫玖既經該尙書等查無倚勢招搖劣跡

該藩司令在署外居住尙無不合著無庸議惟伊故父

唐仲冕在江甯置房設立祠堂唐鑑於簡放江甯藩司

不卽據實聲明伊女在伊江安糧道任內病故並不送

養和堂遺集 卷一 奏疏

十二

回原籍輒借寺旁隙地營葬致招物議唐鑑著交部議

處欽此仰見我

皇上權衡重輕之間誠執兩用中之道也但臣思唐鑑之

處分固在此不在彼而官署之關防仍宜嚴不宜寬

且如唐鑑亦幸其弟尙無劣跡是以

皇上姑置不議其謂官親竟可住在署外也第恐嗣後大

小臣工或誤會

聖意謂此事似亦無妨或藉口

綸音謂人言並不足惜由是官親住在署外浸假而幕友